

五

第三卷

紫禁城出版社

第三卷

清代建築年表 五



單士元 編

單嘉玖



整理

李變平

輯補



圖五 清山西交城寺塔圖（引自清《交城縣志》）



圖六 清太平府衙署圖（引自清《太平府志》）

第三編 寺觀 第宅 道路 橋樑
堤堰

太宗

天聰 四年 庚午 一六三〇

建奉天遼陽縣蓮花寺寶塔。

民國《遼陽縣志》：蓮花寺在南門外喇嘛園，遼太祖建寺，天聰四年建寶塔……有碑五座。

天聰 八年 甲戌 一六三四

正月

營孔有德、耿仲明第宅。

《清太宗實錄》：天聰八年正月己酉，遣官營造都元帥孔有德、總兵官耿仲明第宅。

天聰 九年 乙亥 一六三五

重建奉天遼陽白塔。

民國《遼陽縣志》：白塔寺，有天聰九年重修碑記，謂寺創於漢，同時建塔，經尉遲恭重修，然無證。考之金英公塔銘及《金史》世宗詔有司增大舊塔之文，及塔銘發見之地，此塔當系金正隆（海陵王年號）六年（一一六一年）建，塔頂豎銅球六，相傳其年落半球，圓丈餘。

崇德 元年 丙子 一六三六

八月

重修千山大安寺成。

《清太宗實錄》：崇德元年八月乙酉，千山大安寺僧何大峰重修古寺畢……以大舉重修古寺，賞銀十兩。

崇德 二年 丁丑 一六三七

七月

永濟橋成。

《清太宗實錄》：崇德二年七月辛未，蒲河橋成，建碑賜名永濟橋。

八月

白塔、永濟二橋成。

《清太宗實錄》：崇德二年八月辛亥，是日，以臧國祚修白塔、永濟二橋工竣，由牛錄章京升為三等甲喇章京，承襲如舊。

重修奉天瀋陽縣舍利寺塔。

民國《遼陽縣志》：舍利寺塔在縣西十二里塔灣舍利寺，清崇德二年敕工部重修，賜名曰龍寺，相傳唐時建。

崇德

三年

戊寅

一六三八

八月

建實勝寺成。

《清太宗實錄》：崇德三年八月壬寅，實勝寺工成。先是上征察哈爾國時……有墨爾喇嘛戴古帕斯八喇嘛所供嘛哈噶喇佛至，上命於盛京城西三里外建寺供之，至是告成。賜名實勝寺，鑄鐘重千斤，懸於寺內，東西建石碑二，東一碑前鐫滿洲字，後鐫漢字，西一碑前鐫蒙古字，後鐫圖白忒字。碑文云……卜地建寺於城西三里許，構大殿五楹，裝塑西方佛像三尊……又陳設尊勝塔、菩薩塔……東西廡各三楹……前天王殿三楹，外山門三楹，至於僧寮、禪寶、廚舍，鐘鼓音樂之類悉為之備。營於崇德元年丙子歲孟秋，至崇德三年戊寅歲告成，名曰蓮華淨土實勝寺。

崇德

六年

辛巳

一六四一

重修奉天遼陽縣棲雲寺。

民國《遼陽縣志》：棲雲寺，城東二十五里寶淨山之陽，殿凡五層，規模甚大……有玉□石碑高八尺以上，明成化六年（一四七〇年）重修時所立也。碑載：此寺創建於漢末永平間，經唐尉遲敬德重

修，又有崇德六年漢白玉〔碑〕，記載自成化六年至萬曆己酉（一五八五年）重修八次，又有萬曆三十七年（一六〇九年）碑記。崇德六年重修。

崇德 八年 癸未 一六四三

重修奉天鐵嶺圓通寺。

民國《遼陽縣志》：圓通寺，城內西北隅。按舊縣志云，洪武二十三年（一三九〇年）置鐵嶺衛，有古剎在城東北隅，伊時衛城在今縣城之西，宣德三年（一四二八年）施興用舊址營之，名曰圓通寺，天順八年（一四六四年）重修（詳見藝文）萬曆二十三年（一五九五年）重修，崇德八年賜建碑。

世祖

順治 元年 甲申 一六四四

八月

建泥溝坡橋。

《清世祖實錄》：順治元年八月己未，有王崇嵩者，曾為人僕，捐資造泥溝坡橋成，事聞，上嘉之，令以人償。伊主出戶為民，賞銀幣兩，復其家，仍命樹碑其所。

重修江西龍泉縣長壽寺。

同治《江西龍泉縣志》：長壽寺舊名永定，梁大同三年（五三七）年）建。宋天聖九年（一〇三二年）改今名。明洪武元年修，永樂二年（一四〇四年）重修，景泰七年（一四五六年）募修，清順治甲申重修。

順治 二年

乙酉

一六四五

重建江西南昌延慶寺。

乾隆《江西南昌縣志》：延慶寺在省城順化門內，晉建武元年（三一七年），得琉璃佛像，詔建寺奉之，名琉璃寺。一云劉宋時建，唐咸通二年（八六一年），觀察使嚴譔表請重建時，時值延慶節，改名延慶。清順治二年燬於兵，巡撫董衛國倡捐，復新之。

重建山西石樓縣飛龍山天元殿。

乾隆《山西石樓縣志》：《創建飛龍山天元殿碑記》：住持僧募緣化眾，督理工程。其山距地數十仞，擇堅石砌一梯，其初一天門，階數里，二天門數里，三天門連於頂上，中建大殿……東西鐘鼓樓二座，兩廊五百靈官殿，後宮聖公聖母殿，法像璀璨，金碧輝煌……第一宮距數里許，建崇峻無梁磚窯，內帝銅像，高一丈二尺。金聖殿一宮，於山下村落建，一曰衣庵。其山陡峻綿遠，自底至頂，盡栽松柏……創始於清順治二年。

重建浙江富陽縣能仁寺。

光緒《富陽縣志》：能仁寺在縣西南十里太平村，舊名雲霄院，後唐天成二年（九二七年）建，宋咸淳元年（一二六五年）重建，改今額……明洪武初重建……清順治二年重建。

重修河南祥符祐國寺。

光緒《祥符縣志》：祐國寺在縣治東北，晉天福中建於明德坊，名曰等覺禪院。宋乾德二年（九六四年），遷豐美坊，即公所也，慶曆元年（一〇四一年）改上方寺，內有鐵色琉璃，俗呼為鐵塔寺。明天順間改今額，明末火，寺廢，塔存。清順治二年左右布政徐化成捐修。

《碑記》：殿內正中立接引銅佛一尊，高丈六尺，極奇偉，北宋所鑄……後殿嚮北正簷下，陷石一方，高二尺七寸，闊一尺三寸五分，上半鑄觀音像，下半鑄《陀羅尼經》。洪武三十一年（一三九八年）立正殿北，大殿五間，廡山專角，上覆黃琉璃瓦，與前各正殿同，同供天佛三尊，當中一扁，題華嚴香海，字皆銅鑄，厚三分。純皇帝御筆，兩壁十八羅漢，聖龕內像俱木胎，外臨盡處，左右有石龍頭四，出台尺餘，張口嚮南以瀉雨水，廂配殿俱碧琉璃瓦，崇簷廣廈，佛像半皆鐵胎，或木胎，或石。各殿俱彩雕隔扇。殿後門正列塔八棱十三級，高三百六十尺，宋仁宗慶曆時建，以鐵色琉璃磚砌成，每磚模佛像，或羅漢，或飛禽，走獸，四圍簷俱模宿州字，傍又有土主吳靖字，倒讀成文，未解何義。又每級間以鐵磚，中鑄佛像，兩旁有字，高不可辨，塔坐下八棱方池，北面有小橋，過橋由北洞門入，盤旋而升，如行螺殼中，極頂盡處坐鐵佛一尊，每級俱有門戶，當門壁上俱陷黃琉璃佛一尊，高約三尺，洪武二十九年（一三九六年），周藩造，共四十八尊，壁上題敬德監工重修，當是周府內史名，俗以為尉遲敬德，誤也。塔右自西而北，復摺嚮東一帶廊約二三十間，園脊甬瓦，四匝飛簷，內外牖窗，西房後馬道北是土山及玲瓏山。

順治 四年

丁亥

一六四七

建江西上高縣末山地藏庵。

同治《江西瑞昌府志》：末山地藏庵在九峰寺之右里許，順治四年，僧魯生勝於此，徒正覺買山建庵。

順治 六年 丁未 一六四九

重建福建閩侯石塔寺。

民國《閩侯縣志》：石塔寺在烏石山麓，唐貞元十五年（七九九年），德宗誕節觀察使抑冕造石塔，賜名貞元無垢淨光塔。舊記亦以淨光名寺。後晉天福六年（九四一年）王延曦修，明嘉靖後寺廢，順治六年重建。

建山西襄垣瑜伽庵。

乾隆《山西襄垣縣志》：瑜伽庵在縣治北門外東北，順治六年建。

修葺浙江富陽縣資聖院。

光緒《富陽縣志》：資聖院在縣北十八里安辰村，舊名觀音院。晉天福七年（九四二年）建，宋天聖七年（一〇二九年）改今額，明成化十九年（一四八三年）重建，清順治六年修葺。

重建福建德化雲龍橋。

乾隆《德化縣志》：在賓陽門外龍潭山麓澁溪下流，創自五季，名通濟，更名化龍。宋熙寧中，邑人

蘇唐卿建於城之東隅，慶元己未（一一九九年），橋圯，知縣事葉益命僧了性募移今所未就……嘉定中知縣事壽端等成之，長三十二丈，廣二丈六尺，覆以屋，凡十九間，三十三楹，中有亭。清順治三年寇燬，六年知縣王榜鳩建，更名雲龍。

順治 七年 庚寅 一六五〇

重建江西新建縣五台庵。

道光《江西新建縣志》：五台庵在縣西，舊名彭真觀，明季久圯，順治七年重建，改今名。
重建江西新建古定泰寺。

道光《江西新建縣志》：古定泰寺在德勝門外章江廟左，元泰定間建，清順治戊子（一六四八年）燬於兵，庚寅年，僧三止募建佛殿。

順治 八年 辛卯 一六五一

【補】建京師東黃寺。

《日下舊聞考》卷一〇七：安定門外鑲黃旗教場北有東黃寺。

東黃寺，清順治八年奉敕就普靜禪林興建……殿前有碑亭二：東碑為順治八年大學士寧完我撰。

【補】建京師普勝寺。

《日下舊聞考》卷四〇：普勝寺在裏新庫東南。國初建三大寺，普勝其一也。寺為明南城舊址，順治八年敕建，東有內翰林國史院大學士寧完我撰碑。

重修山東萊蕪縣千佛寺。

康熙《萊蕪縣志》：千佛寺在東廂，有宋淳化三年（九九二年）古塔。元至年重修，教誨希聖記。清順治八年知縣董國臣重修，建碑記。

重建山西汾陽大雲寺。

康熙《汾陽縣志》：朱之俊《大雲寺記略》：大雲寺在城內西南，國朝遭『闖賊』，西南隅淨土寺亦災。順治辛卯重建，門容大局四個，左右如是者四，大殿度以筵，筵六有奇，前院、後院以步得五有半，東西廊五楹者三，二楹者四，正殿古佛原像一尊，樓洞內為三楹。

重修山東鄒平大清橋。

乾隆《山東縣志》鄒平縣：大清橋在東門外大清河上，舊名通津橋。明嘉靖間羽士張演升募修，數年告成。建橋九洞，石皆鈐鐵，上置狻猊，樑柱結構最工。橋東西立二坊，一曰大清橋，一曰濟水朝宗。順治八年河決，石檻沖燬，章監生穆春捐修，又於橋西建小橋七洞。

重修湖北江夏縣鐵佛寺。

乾隆《江夏縣志》：鐵佛寺在文昌門內，舊名報恩寺，梁天監中邵陵王舍宅建，唐天寶中鑄鐘……國朝順治八年重建。

重修安徽無為州南蘇寺。

嘉慶《無為州志》：南蘇寺在襄安鄉，宋乾道六年（一一七〇年），僧日生開建，明洪武十三年（一三八〇年），順治八年，僧善稽重修。

順治九年 壬辰

一六五二

九月

【補】修練湖開成。

《清世祖實錄》：順治九年十月丙辰，修練湖開工成。

重建江西德華縣小龍池寺。

乾隆《江西德化縣志》：小龍池寺在仁貴鄉，宋建，後有石池因名。順治九年（一六五二）重建。

重修福建閩侯縣慶城寺。

民國《閩侯縣志》：慶城寺在芝山東南津坊，本王延曦宅，石晉天福七年（九四二年），施為永隆金身

羅漢寺。宋大中祥符三年（一〇一〇年），賜今額。順治九年重修。

重修廣東遇仙橋。

光緒《曲江縣志》：遇仙橋即西河浮橋，在西門外，上通隴水。宋天聖間陳宗憲創修。慶元間重修，計二十五舫，鐵索一百六十丈。橋成，名慶元橋，以錢四百萬買田，歲收百斛為修橋費。嘉泰四年（一二〇四年），更名嘉泰。元至元十一年（一二七四年），橋廢，至大元年（一二〇八年）修舫纜，兩歲一易，元末又廢。明成化重修，有記。嘉靖十八（一五三九年）年更造方舟六十二舫，連翼以扶欄，表以綽楔，東曰平政，西曰濟川。又建燕譽樓於津口。順治九年重修。

順治

十年

癸巳

一六五三

重建浙江富陽縣永壽院。

光緒《富陽縣志》：永壽院在縣北二十里長壽村，宋乾道五年（一一六九年）建，明萬曆初，靈隱僧建殿宇，順治初重修，順治十年天目僧雲重興佛殿。

順治

十二年

乙未

一六五五

重修浙江富陽縣慈雲寺。

光緒《富陽縣志》：慈雲寺在縣北二十五里開化村，宋乾德二年（九六四年）重建……明景泰元年（一四五〇年）九月重建殿宇。萬曆二十六年（一五九八年）、崇禎十年（一六三七年）增塑羅漢伽藍，建立山門。順治十二年，僧大盛募塑大佛。

建湖南寧鄉密雲寺。

同治《寧鄉縣志》：密雲寺在縣西百五十里大瀉山陰，唐相裴休為靈佑建，凡百楹，山門額曰敕賜密

印禪寺，上有唐玉靈文，所置田及所墾田共三千七百畝，鑄千僧鍋，又鑄洪鐘萬斛，塗以黃金。宋僧建樓覆之……何李三姓爭訟……縣令楊林逐之，並焚密印、同慶二寺，洪鐘亦燬，鍋尚存。明崇禎二年（一六二九年）尚書李騰芳與邑紳遊瀉屬有司復址，助為庵。清順治十二年，宏建大殿，高十七丈，每磚模佛一尊，皆凸文，共萬佛，號萬佛殿，內佛三尊，中一尊松廣，南諸宰官所施。

重修福建福清龍江橋。

乾隆《福建福清縣志》：龍江橋在方民里，江闊五里，中央深五六丈，始太平寺僧守恩壘石為台，宋政和三年癸巳（一一一三年）林遷僧妙覺續成之，空其下為四十二間，廣二十尺，翼以扶欄，長一百八十餘丈，勢堪雄偉，費五百萬緡，名曰螺江，尚士林適為之記……自橋南連於渡頭，壘石為堤，長闊與橋埒，呼為小橋……順治十二年重修。

順治

十三年

丙申

一六五六

四月

重建山西石樓縣飛龍山天元殿成。

乾隆《山西石樓縣志》：創建飛龍山天元殿碑記：……創始於清順治二年，落成於順治十三年（一六五六年）四月，費數千金。

重建江西分宜萬年橋碑亭。

同治《分宜縣志》：萬年橋在清源古渡之東，明嘉靖三十五年（一五五六年）邑少師嚴嵩出賜金萬餘兩，採石吳州，與邑西揚江創建，灑水十一道，長一百二十丈，廣二丈四尺，翼以石欄，如其長之數，自為記。建延福道院于橋南，祀真武以鎮橋。順治十三年，嵩曾孫重建碑亭。

嚴嵩《萬年橋記》曰：謀合材集，制定工興，釀水為道，凡十一空，其長一千二百尺有奇，廣二十四尺，翼以兩欄，各如其長之數，計用金為兩萬餘，經始於嘉靖丙辰（一五五六年）九月，工成于戊午（一五五八年）夏六月。

建江西新建五隆萬壽宮三清殿。

道光《江西新建縣志》：五隆萬壽宮在忠孝鄉逍遙山，舊名遊帷觀，即許旌陽故宅……南唐徐鉉書額，宋大中祥符三年（一〇一〇年）更今名，宮內有逍遙閣……清順治十三年，里人倡修三清殿。

重修山西垣曲興國寺。

光緒《垣曲縣志》：興國寺在縣治西安民坊，創建於漢，金大定二年（一一六二年）、元延祐二年（一三二五年）、至正十二年（一三五二年）重修，明萬曆三十五年（一六〇七年）建坊，順治十三年重修。

建山西高平準提庵。

乾隆《山西高平縣志》：準提庵，南開，順治十三年建。

重建山西稷山縣佛閣寺。

同治《稷山縣志》：佛閣寺一名清涼院，在縣東北三里，金皇統二年（一一四二年）建，大德間增修，洪武間併廣教、彌陀、大善三院入焉。順治間修，十三年重修。

修江西德化東林寺。

乾隆《江西德化縣志》：東林寺在廬山之麓，晉太元九年（三八四年）慧遠開創，順治十三年僧照忍募修五如來殿。

建江西德化普潤庵。

乾隆《江西德化縣志》：普潤庵在縣治西門外新壩，順治十三年，僧朽木開創，掘地得一古鉢，非石非磁，二龍捧法王子三字。

建浙江富陽縣大安院大殿。

光緒《富陽縣志》：大安院在縣北十八里，舊名東安院，後唐清泰三年（九三八年）建，宋治平二年（一〇六五年）改今額，元末燬，明洪武四年（一三七一）年重建……清順治十三年新建大殿。

順治十四年

丁酉

一六五七

重修福建閩侯縣開元寺。

民國《閩侯縣志》：開元寺在子城東芝山南，梁太清三年（五四九年）建。舊號靈山，尋改大云，唐初曰龍興，開元間以年號改今名。會昌間，汰天下寺，州存其一即是也。閩王審知，泥金銀萬餘斤，作金銀子四，藏經各五千四十八卷。旃檀為軸，玉飾諸末寶，髹朱架，納龍腦以蠹蟬。翁承贊撰碑銘。宋建炎間，西京圍急，留守孫昭遠奉七祖御像走揚州，遷至福州，以朱輦七乘列於寺內，建啓運宮以居之。南為靈源閣，閣額靈源二字，書文皆作水形，為面南厭火而設。閣上復祀羅計星像以制之。清順治十四年重建。

重建山東益縣順德祠。

康熙《益都縣志》：順德祠在城南五里，宋熙寧封順德夫人，元封衛國夫人，歷代碑記曰：唐天寶間，廟戶……郭傳仰畢世載碑記。宋咸平六年癸卯（一〇〇三年）重修。熙寧六年癸丑（一〇七三年）重修。順治十四年，山東巡撫耿焯助銀一千，至康熙二年（一六六三年）竣工。